

四庫全書

史部

欽定四庫全書

大事記續編卷四十二

明 王禕 撰

梁高祖武帝大通二年

魏敬宗孝莊皇帝元子攸永安元年

春正月杜洛周陷

魏定瀛二州

以魏紀修

乙丑魏皇女生胡太后詐言皇子丙

寅改元武泰

以呂祖謙標目修

丙子魏長孫稚克潼關寶寅敗

奔万俟醜奴魏以稚為雍州刺史

以魏紀呂祖謙標目修

二月葛

榮殺杜洛周併其衆

以呂祖謙標目修

魏主召并肆汾廣恒雲

大都督爾朱榮兵以脅太后癸丑太后與鄭儼弒之甲

寅立皇女為帝既而立臨洮王世子釗始生三歲

以呂祖謙

修標目

解題曰并州領太原

宋太原府汾州之地

上黨

隆德平陽二府

樂平

太原

府遼州

襄垣

隆德府威勝軍

鄉

威勝軍隆德府遼州之地

五郡

汾州領西

河

汾州威勝軍之地

吐京

州

五城

平陽府臨汾縣西慈州吉鄉縣作城鎮之地

定

陽

平陽府臨汾縣西慈州吉鄉縣

四郡雲州領盛樂雲中建安真興

並太原府之地 四郡

三月癸未葛榮陷魏滄州

以魏紀修

魏爾朱榮舉兵於晉陽

夏四月戊戌立魏長樂王子攸為皇帝自為都督中外  
軍事大將軍開府尚書令領軍將軍太原王徐紇鄭儼  
亡走庚子榮沉太后幼主於河殺高陽王雍以下二千  
餘人辛丑入洛陽改元建義

以呂祖謙  
標目修

解題曰漢之召董卓也卓兵不過三千人而漢以亡  
魏之召爾朱榮也榮兵不出萬人而魏以亡是故太  
阿不可以授人也事見通鑑宋庠紀年通譜建義本  
乞伏國仁楊難當雍道晞年號

魏郢州降梁改為北司州

以梁紀修

魏太尉汝南王悅太傅

相州刺史北海王顥奔梁

以梁紀修

魏北青南荊州降梁

以梁

紀修

解題曰南青州治國城北青州治東陽領齊

今屬青密淄三

州北海

今屬濰青萊三州

樂安

今屬淄青二州

勃海

今屬淄州

高陽

今屬密青

州二河間

今屬河間中山二府

樂陵

今屬青州

郡七

五月魏立肅宗嬪爾朱氏為后

解題曰按北史列傳榮女先為明帝嬪榮欲立為后

帝疑未決給事黃門侍郎祖瑩曰晉文公在秦懷嬴  
入侍事有反經合義陛下獨何疑焉上遂從之餘見  
通鑑胡寅曰反經合道先儒釋經者徃徃有此言反  
背也經常也既已背常安能合道乎或曰如舜不告  
湯放桀武王伐紂周公殺管叔仲尼出妻若此者非  
反經乎曰此聖人處事之變是之謂權權者猶衡之  
石焉進退前却與所懸之物輕重適等故雖權也乃  
所以為經也故權者道之中處也豈變詐亂倫之謂

哉祖瑩之言違道甚矣正家者治國之本初政者治亂之原魏子攸惑於邪說而不能辯惕於強臣而不能正早墜厥命於是乎在矣

辛酉爾朱榮還晉陽以太尉并州刺史上黨王天穆錄

尚書事京畿大都督領軍將軍

以呂祖謙  
標目修

梁曹義宗圍

荊州癸未魏遣將軍費穆救之

以通鑑修

六月魏邢杲反於

北海自稱漢王改元

以呂祖謙  
標目修

解題曰北海宋濰州

秋七月万俟卨奴稱天子改元以通鑑修八月魏泰山太守

羊侃降梁

以魏紀通鑑修

解題曰泰山宋襲慶府

葛榮圍魏相州九月壬申爾朱榮討擒之乙亥改元以

祖謙標  
目修

解題曰宋庠紀年通譜魏比年三易號永安本孫休

晉惠張寔沮渠蒙遜年號

辛巳魏爾朱榮自為大丞相都督河北畿外軍事以城



陽王徽為司徒

以呂祖謙  
標目修

冬十月丁亥葛榮伏誅

以呂祖謙

修標目

梁以北海王顥為魏主遣將軍陳慶之送之據鉅

城

以呂祖謙  
標目修

解題曰通鑑考異梁魏紀皆云以顥為魏主唯顥傳

作魏王魏封劉昶為宋王蕭寶寅為齊王蕭詧為梁

王皆俟得國然後使稱帝若顥在南已稱帝當行即

位之禮蓋王字與主字止欠一點故致繆誤是不然

若使之還北主魏雖以王主之可也紀書元顥元悅

元法僧元貞皆書還北主魏及齊書載元悅及魏書

元悅傳皆然惟元顯傳書魏王通鑑疑點畫之誤安

知非主字之誤為王字乎今從本紀

鉅城今亳  
州臨渙縣

魏費穆獲曹義宗

以本紀修

魏豫州降梁

以梁紀修

解題曰豫州領汝南

宋蔡州之地

潁川

潁昌府

汝陽

淮寧潁昌二府

蔡州之地

義陽

蔡州之地

新蔡

潁昌淮寧二府蔡光二州之地

初安

蔡州之地

襄城

蔡州之地

城陽

唐州之地

廣陵

後省

郡九

十一月魏復取梁泰山

以通鑑修

戊寅魏以上黨王天穆為

大將軍開府世襲并州刺史

以通鑑修

十二月魏韓樓據幽

州反

以呂祖謙標目修

梁高祖武皇帝中大通元年  
魏敬宗孝莊皇帝永安二年

春二月甲午魏主追尊考

妣為帝后以高祖為伯考

以通鑑修

夏四月梁陳慶之拔紫

城魏北海王顥即皇帝位於睢陽改元孝基

以呂祖謙標目修

魏邢杲伏誅

以呂祖謙標目修

五月戊辰魏主顥克梁國大破

上黨王天穆甲戌魏主子攸奔河內丙子顥入洛陽改

元建武

解題曰按梁史王規傳陳慶之北侵陷洛陽百僚稱  
慶規退曰可弔也又何賀焉道家有云非為功難成  
功難也昔桓溫得而復失宋武竟無成功我孤軍無  
援深入寇境將為亂階俄見覆沒餘見通鑑

宋庠紀  
年通譜

建武本漢光武晉惠帝元帝  
石虎慕容忠齊明帝年號

費穆降六月誅之顗與陳慶之相忌閏月爾朱榮渡河  
顗走死慶之奔還庚午魏主入洛陽壬申榮自為天柱  
大將軍甲戌以上黨王天穆為太宰榮還晉陽

以呂祖  
謙標目

魏紀傳修

秋七月魏鑄五銖錢

以魏紀修

魏巴州降梁

以呂祖謙標目修

九月癸巳梁主復沒身同泰寺癸卯羣臣以錢一億萬

奉贖

以皇極經世修

魏平韓樓

以呂祖謙標目修

万俟醜奴陷魏東秦

州

以魏紀修

解題曰東秦州見孝昌三年解題

冬十月己酉梁改元

以梁紀修

解題曰宋庠紀年通譜大通加中字也

十一月就德興降魏

以呂祖謙標目修

十二月魏以第三鎮酋

長高歡為晉州刺史

以魏傳修

梁高祖武皇帝中大通二年春正月己丑魏復取巴州

魏敬宗孝莊皇帝永安三年

以呂祖謙標目修

夏四月丁巳魏以太尉丹陽王蕭贊都督齊

濟兗三州軍事開府齊州刺史

以魏紀修

魏驃騎大將軍爾

朱天光左右大都督賀拔岳侯莫陳悅取安定万俟醜

奴蕭寶寅皆伏誅

以呂祖謙標目修

六月丁巳梁遣魏汝南王

悅還北主魏

以梁紀修

秋七月魏以賀拔岳為涇州刺史侯

莫陳悅為渭州刺史將軍宇文泰行原州事

以通鑑修

九月

長星見

以朱熹綱目修

魏爾朱榮上黨王天穆至洛陽戊戌榮

父子及天穆等皆伏誅己亥僕射爾朱世隆據北中城

冬十月乙卯退走與車騎大將軍儀同汾州刺史爾朱

兆立行并州事長廣王曄為皇帝改元建明三徐州刺

史爾朱仲遠亦起兵十二月甲辰兆陷洛陽執魏主子

攸遷之於晉陽殺司徒臨淮王彧等甲子弒魏主

以呂祖謙

標目修魏大將軍爾朱兆使高歡領六鎮部衆

以呂祖謙標目修

魏齊州亂蕭贊走死

以朱熹綱目修

魏汝南王悅自東徐州南

還

以通鑑修

梁高祖武皇帝中大通三年  
魏節閔帝元恭普泰元年

春二月魏尚書令爾朱世

隆廢其主曄更立儀同廣陵王恭改元庚午詔但稱帝

以呂祖謙  
標目修

魏河北大使高乾邕襲據冀州迎高歡

以魏紀通

以魏紀通

三月癸酉魏封故主曄為東海王加爾朱兆十州都

督世襲并州刺史封高歡為勃海王徵之不至

以魏紀通鑑修

己丑魏以賀拔岳為岐州刺史侯莫陳悅為秦州刺史

以魏紀修

夏四月乙巳梁太子統卒五月丙申立晉安王綱



為皇太子六月癸丑立統之子歡為豫章王譽為河東

王譽為岳陽王

以梁紀修

庚申魏勃海王歡起兵討爾朱氏

以呂祖謙標目修

秋七月魏太保爾朱世隆殺前太保楊椿夷

其族

以魏紀修

冬十月壬寅魏勃海王歡立勃海太守元朗

為皇帝改元中興歡自為丞相都督中外諸軍大將軍

錄尚書事辛亥大破爾朱兆於廣阿

以呂祖謙標目修

解題曰按北齊書列傳戰于韓陵歡將中軍高敖曹

將左軍高岳將右軍中軍敗績賊乘之岳以五百騎

衝其前斛律敦收散卒躡其後敖曹以千騎自栗園  
出橫擊北軍歡方得回師表裏奮擊北衆大敗是日  
微敖曹等高祖幾殆又後周書列傳北率鐵騎陷陣  
出歡之後將乘其背而擊之爾朱度律惡北之驕悍  
懼其陵已勒兵不肯進賀拔勝以其攜貳遂率其麾  
下降於歡度律軍以此先退遂大敗餘見通鑑

韓陵在相

州安陽縣東北十五里

是歲魏南兗州降梁

以通鑑修

梁高祖武皇帝中大通四年春正月梁立西豐侯正德

魏孝武皇帝元脩永熙元年

為臨賀王

以梁紀修

梁送魏汝南王悅入洛

以通鑑修

壬午魏勃

海王歡取相州

以呂祖謙標目修

二月壬寅梁以太尉元法僧

還北主魏

以梁紀修

梁揚州刺史邵陵王綸有罪免為庶人

以通鑑修

甲子魏勃海王歡自為大丞相柱國大將軍太師

以魏紀修

三月丁丑魏主朗入鄴

以魏紀修

閏月壬寅魏儀同爾

朱世隆召爾朱兆大司馬雍州刺史爾朱天光太宰徐

州刺史爾朱仲遠等攻鄴壬戌勃海王歡大敗之于韓

陵夏四月世隆伏誅仲遠奔梁

以魏紀呂祖謙標目修

魏賀拔岳

侯莫陳悅宇文泰取長安

以呂祖謙標目修

魏勃海王歡入洛

陽廢其主恭又廢其主朗於河陽戊子立儀同左僕射

平陽王脩為皇帝改元太昌歡自為大丞相

以皇極經世呂祖謙

標目修魏徵開西大行臺賀拔岳為冀州刺史不至

以通鑑修

壬辰魏勃海王歡還鄴

以魏紀修

魏爾朱天光伏誅

以通鑑修

五

月魏封故主朗為安定郡王

以魏紀修

丙申魏弒其故主恭

以呂祖謙標目修

秋七月甲辰星隕如雨

梁南史紀

魏勃海王歡擊

爾朱兆走之遂據晉陽

以呂祖謙標目修

冬十一月甲辰魏弒

其故主朗及暉

以魏紀修

十二月梁以元法僧為郢州刺史

以通鑑修

魏殺大司馬汝南王悅

以魏紀修

魏改元

以魏紀修

解題曰宋庠紀年通譜永興本漢桓帝晉惠帝冉閔

苻堅魏元明帝年號以同元明號尋改永熙

魏主納勃海王歡女為后

以通鑑修

梁高祖武帝中大通五年  
魏孝武皇帝永熙二年

春正月魏勃海王歡襲秀

容爾朱兆伏誅

以呂祖謙標目修

魏罷行臺

以呂祖謙標目修

己酉長

星見

以梁紀修

魏侍中賀拔勝都督三荆等七州軍事荊州

刺史

以呂祖謙標目修

解題曰三荊州者荊州北荊州東荊州也按魏書地

形志荊州領南陽

宋屬鄧州

順陽

屬鄧州

新野

屬襄陽府

東

恒州

屬鄧州

漢廣

屬唐州

襄城

屬唐州

北清

屬鄧州

恒農

屬鄧州

八郡隋志所謂南陽郡舊置荊州者也北荊州領伊

川

屬河南府

新城

屬河南府

汝北

屬汝州

三郡隋志所謂河南

陸渾縣襄城郡東魏置北荊州者也隋志又云淮安

郡後魏置東荊州荅陵郡後魏置南荊州又通典

釋三荊謂北荊州東荊州荊州而南不與焉

十道志宿豫縣

魏置徐州改為東徐州復為東楚州周宣帝改泗州

三月辛卯魏勃海王歡復為大行臺

以呂祖謙標目修

魏驃騎

大將軍開府徐州刺史高乾邕伏誅大都督高敖曹奔

晉陽

以呂祖謙標目修

夏四月魏青州人殺膠州刺史五月東

徐州人殺刺史降梁

以魏紀修

解題曰膠州領東武

屬密州

高密

屬密州

平昌

屬濰密青州三州

三

郡

秋八月魏以賀拔岳都督雍華等二十州軍事雍州刺

史岳以行臺左丞宇文泰為夏州刺史

以魏紀通鑑修

冬十二

月魏賀拔勝寇梁雍州破汧陽

以呂祖謙標目修

魏勃海王歡

遣使間賀拔岳侯莫陳悅

以呂祖謙標目修

梁高祖武帝中大通六年

魏孝武皇帝永熙三年東魏孝靜皇帝元善見天平元年

春二月魏賀拔岳侯莫陳悅討靈州刺史曹泥悅襲殺

岳於河曲岳衆迎宇文泰魏以泰為大都督三月泰引



兵討悅

以呂祖謙  
標目修

解題曰唐武德中突厥牙帳在於河曲數十萬騎將

過原州今岳衆散還平涼即此河曲也

夏四月癸丑朔日有食之

以魏志修

侯莫陳悅奔上邽自殺

魏以宇文泰為驃騎大將軍開府關西大都督承制

以呂

祖謙標  
目修

六月魏勃海王歡反魏主以宇文泰兼僕射為

大行臺秋七月己丑魏主屯河橋戊申奔長安己酉歡  
入洛陽八月推司徒清河王亶為大司馬承制決事魏

主以泰為大將軍雍州刺史尚書令歡追魏主九月取

潼關還使行臺侯景取荊州賀拔勝奔梁

以魏紀呂祖謙標目修

冬十月丙寅勃海王歡立清河世子善見為皇帝改元

是為東魏魏始分為二

以呂祖謙標目北史齊紀修

解題曰范祖禹曰拓跋氏乘後燕之衰蠶食并冀蹠  
血三十餘年而國中略定其始也公卿方鎮皆故部  
落酋長雖參用趙魏舊族徃徃以猜忌夷滅爵而無  
祿故吏多貪墨刑法峻急故人相殘賊不貴禮義故

士無風節貨賂大行故俗尚傾奪遷洛之後稍用夏  
禮宣武柔弱孝明幼冲母后亂於內羣盜撓其外禍  
始於六鎮釁成於爾朱國分為二而亡矣雖享國百  
餘年典章制度內外風俗大抵與劉石慕容苻姚略  
同道武大武暴戾甚於聰虎孝文之彊不及苻堅其  
文章儒學之流既無足紀謀臣辯士將帥功名又不  
可希望前世

自道武元年至是  
一百四十九年

丁卯梁以將軍元慶和為驃騎大將軍伐東魏

以本  
紀修魏

宇文泰克潼關進位大丞相

以通鑑修

丙子東魏遷鄴勃海

王歡還晉陽

以呂祖謙標目齊紀修

解題曰相臺志鄴自苻丕失守慕容農入之以城廣  
難固乃築鳳陽門大道之東為隔城自是殘毀高歡  
以城窄隘天平二年發衆營新宮元象元年九月城  
鄴二年魏帝徙御新宮即南城也東西六里南北八  
里六十步凡十一門南面三門東四門西四門四民  
輻輳里閭填溢有四百餘坊其制度大抵取之洛陽

鄴自歡營之洋飾之奢侈徃徃甚於石趙胡寅曰遷國大事也必君與民皆不寧厥居然後遷然民情猶安土重遷也則必丁寧告諭使之曉然知安危大計寬其期日制其先後衛其道途饑餒盜賊之虞立其坊里巷曲屋廬之所不使之生怨嗟傷和氣也魏都洛四十年以爾朱之暴初欲遷都見帝居之盛歎息而止而高歡於三日之內逼逐四十餘萬戶狼狽入鄴雖軀牛羊犬豕不至若是烈也其不仁亦甚矣哉

事見通鑑

十二月魏擊曹泥

以通鑑修

閏十二月癸巳魏宇文泰弑其

主脩立太宰南陽王寶炬

以呂祖謙標目修

是時魏取荊州東

魏尋襲取之

以呂祖謙標目修

梁高祖武帝大同元年

魏文帝元寶炬大統元年東魏孝靜皇帝天平二年春

正月戊申朔梁改元

以梁紀修

魏主寶炬即皇帝位改元

魏紀修

紀周紀修魏克靈州

以本紀修

己酉魏宇文泰自為都督中外軍

事大行臺

以本紀修

魏主立妃乙弗氏為皇后子欽為皇太

子

以通鑑修

己巳東魏勃海王歡自為相國加殊禮復辭不

受

以魏紀齊紀修

二月戊戌梁司州刺史陳慶之伐東魏不利

而還

以魏紀通鑑修

三月東魏平劉蠡升

以呂祖謙標目修

魏宇文泰

為新制二十四條以著作郎蘇綽為大行臺左丞參典

機密

以通鑑修

解題曰泰與公卿往昆明池觀漁行至城西漢故倉

池

水經注故渠與沉水枝渠會飛渠漸水入城東為倉池池在未央宮西中有引壘

顧問左

右莫有知者或曰蘇綽博物多通請問之泰乃呂綽

具以狀對秦大悅因問天地造化之始歷代興亡之迹綽應對如流秦與綽並馬徐行至池竟不設網罟而還遂留綽至夜問以治道秦臥而聽之於是指陳帝王之道兼述申韓之要此正可見綽之學術泰乃起整衣危坐不覺膝之前席語遂達曙不厭餘見通鑑

夏四月魏元慶和攻東魏遣司徒高敖曹等拒之以通鑑修

解題曰按丘悅三國典略魏制曰逆賊高歡初從爾



朱榮入洛勸榮篡位罪一孝莊幽辱實歡之由無辭  
可反詐為建議罪二廢殺建明罪三廢殺中興罪四  
廢殺普泰罪五廢殺汝南王罪六雖尊先帝然實輕  
凌舉兵逼逐罪七先帝嘗使舍人元士弼詣歡論事  
歡露髮袒體見士弼直問何物來士弼曰有勅歡曰  
何物勅取書裂之肆口惡罵罪八毀撤宮廟焚除塔  
寺戶口百萬驅擁北遷死者過半罪九烝孝莊皇后  
逼令為尼罪十取普泰皇后列在私房罪十一改嫁

孝武皇后與彭城王更相擬以圖廢置罪十二高乾兄弟起義立勲歡忌其豪強密令誅殺帝不獲已而從之歡見赦曹哭稱其枉死罪十三兄事賀拔允令看額上有天子相否允不敢答由是害之罪十四武衛伊林先帝親委歡收斬之罪十五歡上事天柱下承兒姪銜瀝餘血誓同生死乃背爾朱盡加誅滅罪十六從叔自南歸國歡忌而殺之罪十七尚書崔孝芬辛雄等國家勲舊責以駕行不從一時屠害罪十

八永熙中求并州城營起臺殿詐云誘賊劉蠡升中  
旨頻抑終不肯停罪十九歡遂先帝之後扶清河王  
嫌其長大難制復廢之立其幼男猶忌清河尋行醜  
毒罪二十歡有莫大之罪未伏天誅朕將親帥六軍  
龔行薄伐丞相董茲戎律計日殲定勃海王自以爵  
位署其檄曰告宇文黑獺逆徒等汝擁逼乘輿遠遁  
關隴予秉丹誠龔行天罰今遣相州刺史孫騰自潼  
關西入都督濟州刺史竇泰為南面都督前冀州刺

史司徒公高昂直截隴口前濟州刺史蔡攜領魯陽  
蠻兵從鹽池西渡為西面開府定州刺史十二州大  
行臺侯景領四海雄豪為後軍克十一月三十日大  
集西雍州餘見通鑑

五月魏宇文泰自加柱國

以魏紀修

秋七月魏東益州降梁

以通鑑修

八月甲午東魏營新宮

以魏紀修

冬十一月丁酉梁侍

中中衛將軍徐勉卒

以呂祖謙標目修

梁北梁州刺史蘭欽攻

魏梁州降之

以梁紀修

解題曰按通典天監二年失漢州四十二年始復今

考之天監四年魏取漢州至是始三十一年通典誤

也隋書地理志及通典梁於普安郡

宋慶隆府

置南梁州

復改為安州於西城郡

金州

置梁州尋改曰南梁州寰

宇記梁於魏興

金州

置北梁州尋改為南梁州西城

即魏興也蘭欽稱北梁州刺史其時未改為南梁州

也又欽傳云密敕欽向魏興經南鄭而寰宇記亦云

欽克梁州復移治在南鄭縣尤明白也魏書地形志

梁州領晉昌

宋屬洋州

褒中

屬興元府

漢中

屬興元府金州

華州

屬興元府

## 四郡

十二月甲午東魏始量給百官祿

以呂祖謙標目修

是歲魏與

柔然和親

以通鑑修

梁高祖武皇帝大同二年  
魏文帝大統二年東魏孝靜皇帝天平三年

春正月東

魏勃海王歡襲取魏夏州拔靈涼二州以歸

以呂祖謙標目修

解題曰按魏書地形志夏州領化政

宋屬夏州

闡熙

屬宥州

金明

屬延安府保安軍

代名

詳未

四郡涼州領武安

屬涼州

臨松

屬甘肅  
州建昌

屬蘭州

番和

屬涼州

泉城

屬西和州

武興武威昌松

並屬涼州

東涇梁寧

並未詳

十郡又按靈州前漢北地郡富

平縣地後漢廢晉亂為夏果園城後魏置薄骨律鎮

太和更為沃野鎮尋復孝昌中改置靈州移治胡地

城以在河渚上故亦取漢縣為名天平中又置寄治

汾州隰城縣界隋為靈武郡隸雍州今為靈州迴樂

縣靜州保靜縣後周書列傳歡襲陷夏州宇文泰慮

其南下與朝臣議之郭賢曰高歡兵士雖衆智勇已

竭策其舉措必不敢遠來昔賀拔公薨關中振駭而  
歡不能因利乘便進取雍州是無智及鑒駕西遷六  
軍寡弱毛鴻喪敗關門不守又不能乘此危機以要  
一戰是無勇今上下同心歡寧敢送死且幽夏荒阻  
千里無烟縱欲南侵資糧莫繼歡果退餘見通鑑葉  
適曰歡趙趙過放於狼狽洶湧之時而乃喋斷決死  
於安徐已定之後宜其屢進而屢却哉

二月丁酉東魏勃海王歡世子大行臺并州刺史澄為



尚書令加領軍京畿大都督入鄴輔政

以魏紀修

解題曰通鑑考異曰魏紀為尚書令大行臺大都督北齊文襄紀天平元年為尚書令大行臺并州刺史入朝輔政光疑尚書令不在外大行臺不在內不知歡遣其子自并入鄴輔政事固有出於故常之外者也

夏五月癸卯梁以尚書右丞江子四封事付尚書檢括

以梁紀修

秋七月賀拔勝等復歸於魏

以通鑑修

九月壬寅東魏

以定州刺史侯景兼右僕射南道行臺攻梁冬十月梁

陳慶之破走之

以魏紀梁紀呂祖謙標目修

冬十二月壬申東魏請

和於梁自是交聘不絕

以呂祖謙標目修

東魏勃海王歡殺大

司馬清河王亶

以通鑑考異修

解題曰通鑑考異國典云亶為高歡所酖典略周太

祖數歡罪亦云殺亶魏帝紀云亶薨今從之夫魏收

齊人也其作魏史因為齊諱國典典略則公言也通

鑑不從此而從彼何耶

丁丑東魏勃海王歡伐魏次蒲津遣高敖曹趣上洛車

騎大將軍竇泰趣潼關

以魏紀齊紀修

是歲魏大饑死者十七

八

以魏紀修

梁高祖武帝大同三年  
魏文帝大統三年東魏孝靜皇帝天平四年

春正月癸

丑魏宇文泰襲敗竇泰殺之勃海王歡遁高敖曹亦還

以呂祖謙  
標目修

秋八月丁丑魏宇文泰伐東魏庚寅拔恒農

以呂祖謙  
標目修

閏九月甲子梁以揚州刺史武陵王紀都督

梁益等州軍事益州刺史

以傳紀呂祖  
謙標目修

東魏勃海王歡

趨蒲津魏宇文泰還師冬十月癸巳大破歡於渭曲泰

自為柱國大將軍取蒲坂洛陽滎陽降潁梁廣三州十

一月降陽豫二州

以呂祖謙  
標目修

解題曰按魏書地形志潁州領汝陰弋陽北陳留潁

川

宋並屬  
潁昌府

頓邱梁興西恒農陳南

二郡屬  
潁昌府

東郡汝南

清河南陽東恒農

屬安  
豐軍

新蔡南陳留滎陽北通汝南

太原新興二十郡陽州領宜陽

屬河  
南府

金門

屬河南  
府虢州

二

郡

韋述兩京道里記  
潁昌縣界潁州城東魏陽州理此

梁高祖武皇帝大同四年

魏文帝大統四年東魏孝靜皇帝元象元年

春正月辛

酉朔日有食之

以魏紀修

丁卯東魏改元

以呂祖謙標目修

二月魏

南汾潁豫廣州復入東魏

以通鑑修

解題曰按梁載言十道志慈州西魏為南汾州魏書

地形志南汾州領北吐京南吐京五城西五城定陽

西定陽北鄉中陽龍門

並宋西慈州之地

九郡廣州領南陽

宋潁昌府汝州之地

定陵

潁昌府之地

魯陽汝南漢廣

並汝州之地

襄城

潁昌府汝州之地

順陽

潁昌府汝州

七郡

三月魏廢其后乙弗氏立柔然女郁久閭氏為后

以呂祖謙

標目修

魏宇文泰屯華州

以呂祖謙標目修

秋七月東魏侯景圍

洛陽魏宇文泰奉魏主救之八月庚寅景退辛卯泰追

之不利而還關中大擾泰討平之

以魏紀朱熹綱目呂祖謙標目修

東

魏取洛陽

以呂祖謙標目修

九月魏主入長安

以通鑑修

冬十二月

魏襲取東魏洛陽廣州

以呂祖謙標目修

魏正光後僧尼至二

百萬東魏始禁立寺

以呂祖謙標目修

魏南兗州刺史韋孝寬

取東魏宜陽行臺王思政城玉壁

以呂祖謙標目修

解題曰通典曰玉壁今絳郡稷山縣

東魏高澄攝吏部尚書始改年勞之制

以呂祖謙  
標目修

解題曰胡寅曰澄既改年勞之制銓擢賢能而他日  
辛術筦銓取士必以才器然則停年之法高澄高洋  
尚知其弊而通變之况明君賢相而反不能乎事見

通鑑

梁高祖武皇帝大同五年  
魏文帝大統五年東魏孝靜皇帝興和元年

春正月乙

卯梁以丹陽尹何敬容為尚書令自晉末宰相皆以文

義自逸敬容獨勤薄領以網維為已任

以紀傳修

解題曰姚察曰魏正始及晉之中朝俗尚虛玄貴為  
放誕尚書丞郎以上簿領文案不復經懷皆成於令  
史逮乎江左此道彌扇惟下壺以臺閣之務頗欲綜  
理阮孚謂之曰卿常無閑暇不乃勞乎宋世王敬弘  
身居端右未嘗省牒風流相尚其流遂遠望白署空  
是稱清貴恪勤匪懈終滯鄙俗是使朝經廢於上職  
事墮於下永嘉不競戎馬生郊何國理之識見譏薄



俗惜哉

魏宇文泰置華州行臺學

以呂祖謙  
標目修

解題曰泰於行臺置學取丞郎及府佐德行明敏者  
充之悉令旦理公務晚就講習先六經後諸子

夏五月甲戌東魏主納勃海王歡女為后

以魏紀修

秋九月

甲子東魏城鄴冬十月癸亥東魏改元

以魏紀  
古錄修

十一月

東魏行興光歷

以魏紀  
歷志修

梁分州為五品時方恢拓境宇

建置紛綸州郡雖多而戶口日耗

以通鑑修

梁高祖武皇帝大同六年  
魏文帝大統六年東魏孝靜皇帝興和二年春正月庚

戌魏朝羣臣禮樂稍備  
以魏紀修二月柔然侵魏魏主殺其

故后乙弗氏未幾郁久閭氏亦殂  
以周紀通鑑修夏閏五月丁

丑朔日有食之  
以魏志修是時吐谷渾始稱可汗  
以呂祖謙標目修

梁高祖武皇帝大同七年秋魏省官  
魏文帝大統七年東魏孝靜皇帝興和三年

屯田九月魏頒六條  
以通鑑修

解題曰按後周書列傳蘇綽為六條詔書奏施行之  
其一先治心治民之本莫若守宰之最重也治民之

要在清心而已心氣清和志慮端靜則邪僻之慮無因而作以臨其民孰不從化其次又在治身凡人君之身乃百姓之表故人君必心如清水形如白玉躬行仁義孝弟忠信禮讓廉平儉約繼之以無倦加之以明察行此八者以訓其民不待家教日見而自興行矣其二敦教化曰性無常守隨化而遷化於敦樸者則質直化於澆偽者則浮薄凡諸守牧令長宜洗心格慮上承朝旨下宣教化扇之以淳風浸之以太

和被之以道德示之以樸素使百姓亶亶日遷於善而不知此之謂化教之以孝悌仁順禮義使慈愛和睦敬讓此之謂教其三盡地利曰人生天地之間以衣食為命是以聖王先足其衣食然後教化隨之諸州郡縣每至歲首必戒敕部民但能操農器者皆令就田及布種既訖嘉苗須理麥秋在野蠶停於室皆宜少長悉力男女併功若有游手怠惰者則隨事加罰罪一勸百此則明宰之教也夫三時者農之要也若

不務省事而令民廢農者是絕民之命驅以就死農  
隙又當教民種桑植果藝其菜蔬畜育雞豚以備生  
生之資其四擢賢良曰刺史府官則命於天朝其州  
吏以下並守牧自置州郡大吏但取門資多不擇賢  
良今之選舉者當不限資蔭唯在得人求材藝者必  
先擇志行善者舉之不善者去之凡求賢之路自非  
一途然所以得之審者必由任而試之考而察之起  
於居室至於鄉黨訪其所以觀其所由則賢不肖別

矣其五卹獄訟曰治獄之官精心悉理推究事源先之以五聽參之以證驗使姦無所容罪人必得然後消息情理斟酌禮律此則善之上也有疑則從輕未審不妄罰隨事斷理獄無停滯此亦其次其六均賦役曰三五以來皆有征税之法雖輕重不同而濟用一也今軍用資廣雖未遑減省以卹民瘼然令平均使下無匱夫不捨豪強而懲貧弱不縱姦巧而因愚拙之謂均又差發徭役多不在意貧弱者重徭而遠

成富强者輕使而近防此王政之罪人也泰甚重之  
令百官誦習其牧守令長非通六條及計帳者不得

居官

葉適曰六條平實無華自董仲舒蕭望之劉向  
崔寔王符之流皆論治道而無一言之幾如綽

者固未  
易也

冬十月甲寅東魏頒行麟趾格

以朱熹  
綱目修

十二月交州李

賁反梁遣兵擊之

以呂祖謙  
綱目修

是歲魏頒十二條制

以魏  
紀修

東魏勃海王歡命濱河積穀轉漕傍海煮鹽連歲大稔

民稍甦息

以呂祖謙  
綱目修

解題曰自遷鄴後傍海煮鹽滄州置竈一千四百八  
十四瀛州置竈四百五十二幽州置竈一百八十青  
州置竈五百四十六又於邯鄲置竈四終歲收鹽二  
十萬九千七百八十斛四升軍國所資得以周贍蓋  
魏前此止榷池鹽至是始榷海鹽

梁高祖武皇帝大同八年  
魏文帝大統八年東魏孝靜皇帝興和四年

春正月梁

安成妖賊反改元三月江州司馬王僧辨斬之

以魏修魏

置六軍

以魏修

秋八月東魏以吏部尚書侯景兼僕射河



南大行臺

以魏紀修

冬十月東魏勃海王歡伐魏圍玉壁弗

克而還

以魏紀修

十二月梁盧子略等反攻廣州參軍陳霸

先討平之

以陳紀通鑑修

梁高祖武皇帝大同九年

魏文帝大統九年東魏孝靜皇帝武定元年

春正月壬

戌東魏改元

以魏紀修

解題曰宋庠紀年通譜歐陽脩語宋靖國曰魏武定

元年當在大統九年不當在八年

二月壬申東魏北豫州刺史高仲密以虎牢降魏魏字

丈泰應之三月圍河橋戊申東魏勃海王歡大敗之於

邙山己酉泰遁歡追至陝而還夏四月取北豫洛州

稽以

古錄及呂祖謙  
標目修

解題曰東魏改司州為洛州領洛陽

今河南府洛陽縣

河陰

屬河南府洛陽縣

新安

河南府新安縣

中川

河南府登封縣

河南

河南府

陽城

河南府登封縣 六郡

冬十一月東魏築長城於肆州

以魏紀修

梁高祖武皇帝大同十年  
魏文帝大統十年東魏孝靜皇帝武定二年

春正月魏

詔公卿以下月上封事三條

以魏紀修

李賁稱越帝改元

以本

紀修

解題曰按三國典略賁興建雙闕立二十四鎮郡縣百餘

三月壬子魏以高澄為大將軍領中書監侍中太原公高洋為左僕射門下機事皆歸中書

以通鑑目錄修

秋七月魏

更權衡度量損益新制三十六條

以魏紀修

冬十月丁巳

東魏括隱戶

以呂祖謙標目修

梁高祖武皇帝大同十一年  
魏文帝大統十一年東魏孝靜皇帝武定三年  
春二月

魏遣使如突厥

以通鑑修

夏六月魏命蘇綽作大誥

以通鑑修

梁

交州刺史楊暕討李賁敗之

以通鑑修

秋八月東魏高歡納

柔然女

以呂祖謙標目修

冬十月梁復贖刑

以梁紀修

解題曰程大昌曰古者金作贖刑或百鍰或五十鍰

至漢又以金價計贖自唐至今例皆以絹始自北齊

高叡等定律變古贖刑之制以中絹代之至唐贖罪

雖用銅而計贖遂用絹價開元十五年敕定為五百

五十餘見天監元年梁議贖刑解題

十二月梁散騎常侍賀琛陳四事詔詰責之

以朱熹綱目修

解題曰胡寅曰武帝謂公車讜言日開聽覽今考之獨江子四嘗上封事而琛繼之四十年間讜言止此尚以日聞答塞臣下可乎夫琛目擊時事粗條其目帝誠聽納而召問之則暴橫姦猾之名可得矣夫風俗侈靡饑寒之本也善為國者雖躬行節儉必為制度使不得踰越令出必行又何有苛擾之患誠使禮

節既定則雖太牢而祭大烹養賢乃人主所當為又  
何以蔬菜為哉今禮制不立而風俗侈靡守宰貪殘  
為良民害則雖粗衣糲飯無益也凡臣庶則有私藏  
人主豈有私藏哉武帝謂不食公食其用徒匠資於  
傭借是有私藏也是非天降地出不謂國家之制而  
謂之何哉周公作無逸戒成王自古聖賢之君罔或  
不勤武帝夜半而起日昃而食勤亦至矣而國破身  
辱何也所治者事而非政也偏聽生姦獨任成亂此

言是也如趙高王莽固不可也如得賢人君子而用之不專亦不能成治功矣武帝雖並置三公而所信惟朱异人譽侯景為忠臣雖指鹿為馬不是過也然則屈折賀琛率皆強辯又安能服琛之心哉事見通鑑

梁主疎簡刑法公卿不以鞠獄為意枉濫者多

以通鑑目錄修

梁高祖武皇帝中大同元年

魏文帝大統十二年東魏孝靜皇帝武定四年

春正月

李賁奔獠中

以呂祖謙標目修

解題曰按魏史方輿記蜀本無獠李勢時諸獠始出  
巴西渠川廣漢陽安資中犍為梓潼布在山谷十餘  
萬落攻破郡縣為益州大患自桓溫破蜀之後力不  
能制又蜀人東流山險之地多空獠遂挾山旁谷與  
人參居者頗輸租賦在深山者仍為匪人

三月庚戌梁主講佛書於同泰寺夏四月丙戌解講改  
元是夜同泰浮圖災復作之

以梁紀通鑑修

魏涼瓜州亂五月

討平之

以朱熹綱目修

六月庚子東魏以司徒侯景為河南大



將軍大行臺

以通鑑修

秋七月丙寅梁用足陌錢人不從

以梁

紀通鑑修

解題曰

程大昌曰憲宗時淮蔡用兵皇甫鑄建議每緡墊二十外復抽五十元和十二年民間墊

陌外有至七十者穆宗時京兆尹柳公綽禁止之尋以用錢墊陌不一從俗所置內外經用每緡墊八十昭宗末京師用錢八百五十為貫河南府以八十為百後漢隱帝時王章為三司使每百又減三錢餘見

通鑑

八月東魏遷洛陽石經于鄴

以魏紀修

魏以晉州刺史韋孝

寬守玉壁九月東魏勃海王歡圍之

以呂祖謙標目修

解題曰通典當齊神武之時與周文帝抗敵十三四

年間凡四出師大舉西伐周師東討者三焉

畧舉親征命將

攻戰則不復紀

自文宣之後纔守境而已

梁載言十道志晉州後魏立東雍州

孝明改唐州尋為晉州

李賁自獠中出梁陳霸先敗之

以通鑑目錄修

冬十月乙亥梁

前東揚州刺史岳陽王詵為雍州刺史

以梁紀呂祖謙標目修

東

魏勃海王歡攻玉壁弗克十一月庚子還以其子太原

公洋鎮鄴澄還晉陽

以呂祖謙標目齊紀修

魏以韋孝寬為驃騎


開府

以通鑑修

魏宇文泰屯同州十二月大行臺度支尚書

司農卿蘇綽卒

以呂祖謙  
標目修



大事記續編卷四十二

欽定四庫全書

史部

大事記續編卷四十三至六

詳校官檢討

臣朱依昊

編修

臣

裴謙覆勘

總校官編修

臣倉聖脉

校對官助教

臣胡予襄

謄錄貢生

臣苗序洙

欽定四庫全書

大事記續編卷四十三

明 王禕 撰

梁高祖武皇帝太清元年

魏文帝大統十三年東魏孝靜皇帝武定五年

春正月

己亥朔日有食之不盡如鉤

以魏志修

壬寅梁江州刺史湘

東王繹都督荊雍等州軍事荊州刺史

以梁紀修

丙午東魏

勃海獻武王高歡卒

以呂祖謙標自修

解題曰按北齊書梁史紀傳侯景言於高歡請兵三

萬橫行天下要須濟江縛取蕭衍老公以作太平寺

主歡壯其言使擁兵十萬專制河南杖任若已之半  
體景右足短弓馬非其長所在惟以智謀歡部將高  
昂彭樂皆雄勇冠時景常輕之言似彘突勢何所至  
素輕世子嘗謂司馬子如曰王在吾不敢有異王無  
吾不能與鮮卑小兒共事子如掩其口至是世子為  
歡本文作神武後放此書召景景先與歡約得書書背微點乃  
來書無點景不至又聞歡疾遂擁兵自固歡謂世子  
曰我雖疾爾面更有餘憂色何也世子未對又問曰

豈非憂侯景叛耶曰然歡曰景專制河南十四年矣  
常有飛揚跋扈志顧我能養豈為汝駕御也今四方  
未定勿遽發哀庫狄干鮮卑老公斛律金勅勒老公  
並性適直終不負汝可朱渾道元劉豐生遠來投我  
必無異心賀拔馬過兒樸實無罪潘相樂本作道人  
心和厚汝兄弟當得其力韓軌少戇宜寬借之彭  
樂心腹難得宜防護之少堪敵侯景者唯有慕容紹  
宗我故不貴之留以與汝宜深加殊禮委以經畧餘

見通鑑蘇軾曰齊神武寢疾告其子曰侯景專制河南惟慕容紹宗可以制之我故不貴留以遺汝而唐太宗亦謂高宗汝於李勣無恩我今責出之汝當授以僕射古之人君所以為其子孫長計遠慮者寧其身不受知人之明而使其子孫專享得賢之利類皆如此胡寅曰伊尹稱成湯曰敷求哲人俾輔于爾後嗣成王將崩召太保等同受顧命蓋平日儲養賢才以遺子孫推誠盡禮各得其道豈用私意小智屈之



而使子孫以利祿誘之使其臣利祿之人也則可使  
其臣不以三公易其介也又安得而用之彼紹宗勛  
皆利祿之人故紹宗逐侯景不盡其力而李勣事高  
宗不竭其忠其君臣得失豈不明且驗耶

辛亥東魏侯景以河南叛降魏遣司空韓軌討之

以呂祖謙

標目修

二月魏除宮刑

以朱熹綱目修

庚辰侯景降梁侍中朱异

請納之壬午以為大將軍河南王大行臺承制三月甲

辰遣司州刺史羊鴉仁等赴懸瓠

以呂祖謙標目及本紀修

解題曰按梁書列傳景遣其行臺郎中丁和上表請

降曰臣與豫

治懸瓠城領郡九

廣

治襄城領郡七

潁

領郡十

荊

治穰城領郡八

襄

治赭陽城領郡六

兗

治瑕丘

南兗

治譙城領郡七去彭城百二十里

濟

治礪城

領郡五

東豫

治廣陵城領郡六

洛

本司州領郡六

陽

領郡二

北荆

領郡三

北

楊

治項城領郡五

刺史等陰結私圖待時即發函谷以東瑕

邱以西咸願歸誠聖朝惟有青徐數州僅須折簡黃

河以南臣之所職易同反掌若齊宋一平徐事燕趙

高祖召羣臣廷議尚書僕射謝舉等皆云非宜初帝

以是歲正月乙卯於善言殿讀佛經因謂左右曰我  
昨夢天下太平爾其識之及和至校景實以正月乙

卯日定計嘗夙興至武德閣口

南朝宮苑記太極東  
堂東有武德水閣梁

所起由水閣入永福  
省有文德武德殿

獨言我國家猶若金甌無一傷

缺承平若此今便受地詎是事宜脫致紛紜悔無所  
及中領軍朱异探帝微旨應聲答曰聖明御宇上應  
蒼玄北土遺黎誰不慕仰為無機會未達其心今侯  
景分魏大半遠歸聖朝豈非天誘其衷人獎其計今

若不容恐絕後來之望願陛下無疑帝深納异言又  
感前夢遂納之餘見通鑑胡寅曰夢固非一端武帝  
之夢想所生也然國家大計當以義理斷其可否豈  
有憑一夢而決者乎帝既不能自克朱异又諂以成  
之悲夫

夏四月壬申東魏高澄入鄴

以通鑑修

丁亥梁改元

以梁紀修

解題曰宋庠紀年通譜太清本張天錫年號

五月甲辰東魏以高洋為尚書令領中書監徐州刺史

慕容紹宗為左僕射

以魏紀通鑑修

東魏韓軌圍侯景於潁川

魏遣荊州刺史王思政等救之六月魏徵景景辭遂專

附梁

以呂祖謙標目修

東魏以高洋為京畿大都督高澄還晉

陽秋七月澄自為都督中外諸軍錄尚書事勃海王

以通

鑑魏紀修

八月乙丑梁以南豫州刺史蕭淵明為大都督伐

東魏

以本紀修

解題曰七月方改壽春為南豫州

辛未東魏勃海王澄入鄴

以魏紀修

戊子梁以侯景錄行臺

尚書事

以通鑑修

解題曰按丘悅三國典略澄

本文作王

欲問景於梁又與

景書而謬其辭云本使景陽畔欲與圖西西人知之

故景更以圖南為事漏其書於梁人亦不之信餘見

通鑑

東魏勃海王澄幽其主壬辰殺侍讀蔣濟等九月辛丑

還晉陽

以魏紀修

梁蕭淵明圍彭城冬十一月東魏以慕容

紹宗為東南道行臺擊之擒淵明

以魏紀修

解題曰按北齊書列傳武定八年辛術除東南道行

臺尚書東徐州刺史郭志殺郡守高洋

本文作文宣

敕術自今

所統十餘州地有犯法者刺史先啓聽報以下先斷  
後表聞齊代行臺兼總民事自術始事見通鑑

十二月東魏慕容紹宗擊侯景於渦陽敗績

以魏紀傳修

梁高祖武皇帝太清二年

魏文帝大統十四年東魏孝靜皇帝武定六年

春正月

己亥東魏慕容紹宗擊侯景景衆潰

以呂祖謙標目修

甲辰梁

羊鴉仁遁侯景奔壽陽乙卯梁以為南豫州牧光祿大

夫蕭介諫不聽

以呂祖謙標日本紀修

二月東魏求通於梁朱异

請許之司農卿傅岐諫不聽

以呂祖謙標目修

三月屈洞獠斬

李賁

以本紀修

夏五月魏宇文泰自為太師

以北史周紀修

秋七月

庚寅朔日有食之

以魏志修

八月東魏以慕容紹宗為大行

臺攻魏王思政於潁州

以魏紀修

東魏略梁淮北二十三州

以通鑑修

梁合州刺史鄱陽王範請討侯景朱异沮之戊戌

景反甲辰遣開府邵陵王綸督衆軍討之冬十月景陷

譙州丁未陷歷陽尚書羊侃請守采石襲壽陽朱异沮



之戊申以臨賀王正德都督京師軍事己酉景濟江詔  
以揚州刺史宣城王大器都督城內軍事羊侃副之辛  
亥正德降景景圍臺城十一月戊午朔正德稱帝改元  
正平己巳湘東王繹遣兵赴難庚辰邵陵王綸還軍赴  
難乙酉敗於玄武湖丙戌鄱陽王範遣兵與西豫州刺  
史裴之高赴難十二月南兖州刺史南康王會理赴難  
癸巳羊侃卒湘東王繹遣世子方赴難丙辰司州刺史  
柳仲禮前衡州刺史韋祭前司州刺史羊鴉仁並赴難

推仲禮為大都督

以呂祖謙標目及本紀修

解題曰合州去年以合肥改譙州今滁州清流縣西  
豫州遷置不一按隋書地理志汝南郡新息縣魏置  
東豫州梁曰西豫州又曰淮州南齊書州郡志宋分  
淮東為南豫州治歷陽而淮西為豫州泰始五年省  
淮西沒虜七年復分淮東置南豫齊建元二年太祖  
以西豫吏民寡省南豫永明二年復置南豫州四年  
冠軍長史沈憲啓二豫分置以桑堞子亭為斷潁州

汝陽在南譙歷陽界內屬西豫廬江居晉熙汝陰之  
中屬南豫求以潁川汝陽屬南豫廬江還西豫七年  
南豫州別駕殷灝稱潁川汝陽寄治譙歷實應屬南  
豫廬江屬南豫實為便利遠踰西豫非其所願郡領  
灝舒通典舒州梁為豫州及始新左縣竹產採伐為益不少府  
州新創希得廬江詔可餘見宋永初二年解題

梁高祖武皇帝太清三年  
魏文帝大統十五年東魏孝靜皇帝武定七年

春正月

丁巳侯景攻梁韋粲粲死之柳仲禮擊景破之仲禮被

傷不復戰

以南史梁紀呂祖謙標目修

庚申梁朱异卒

以梁紀修

解題曰程頤易傳曰明夷之六四以陰居陰而處近

君之位是陰邪之人居高位以柔邪順於君者也六  
五明夷之君位陽明之主也四以主柔邪順從之以  
固其交夫小人之事君未有由顯明以道合者也必  
以隱僻之道自結於上故云入於左腹謂其交深也  
其交之深故得其心出於門庭既信之於心而後行  
之於外也邪臣之事闇君必先蠱其心而後能行於

外朱异之謂矣

戊辰梁封山侯正表以北徐州叛降東魏

以通鑑修

解題曰北徐州今濠州

癸未梁高州刺史李遷仕天門太守樊文皎赴難文皎

戰死

以梁紀修

解題曰隋地理志梁於高涼郡置高州

梁壽陽降東魏

以呂祖謙標目修

二月侯景請和梁中領軍傅

岐諫不聽以景為大丞相都督江西四州軍事南康王

會理等赴難至白下移之南岸湘東王繹軍武城湘州  
刺史河東王譽軍青草湖信州刺史桂陽王慆軍峽口  
敕止之景復反三月戊午南康王會理等進軍東府北  
大敗丁卯臺城陷景自為大都督中外諸軍錄尚書事  
邵陵王綸奔會稽景廢蕭正德為大司馬

以本紀通鑑  
及呂祖謙標

修目

解題曰武城水經注江之右有武口水上通安陸之  
延頭江水東逕若城南注庾仲雍江記若城至武城

口三十里信州今夔州

梁湘東王繹殺桂陽王慄

以通鑑修

壬午侯景遣將陷梁廣

陵

以呂祖謙標目修

梁吳郡降侯景

以通鑑修

東魏取梁青冀東徐

北青州淮陽山陽淮陰郡

以本紀通鑑修

解題曰按隋地理志梁於東海郡懷仁縣置南北二

青州今海州縣也於下邳郡置東徐州今淮陽軍也

於下邳郡淮陽縣置淮陽郡屬今淮陽軍下邳縣也

夏四月東魏慕容紹宗攻魏潁川溺死

以魏紀修

五月丙辰

梁主以憂殂辛巳太子綱即皇帝位

紀以本修

魏詔代人改

姓者復舊

紀以北史修

六月丁亥梁立宣城王大器為皇太

子

紀以梁修

東魏拔魏潁川執王思政

標以呂祖謙目修

梁湘東王

繹假黃鉞大都督中外軍事司徒承制

紀以梁修

癸丑侯景

殺蕭正德

紀以列傳修

梁湘東王繹使其世子方等攻河東王

譽方敗死

紀以梁修

解題曰方之母徐氏失愛於繹故方亦無寵其所著

三十國春秋於父子骨肉之際輒反覆極論亦固有



所感慨而然乎方謂是行吾必死之死得其所吾復  
奚恨其志可悲也已事見通鑑

梁廣州刺史元景仲附侯景秋七月甲寅西江督護陳

霸先誅之迎定州刺史蕭勃為刺史

以呂祖謙  
標目修

解題曰按隋書地理志黃州麻城縣陳置定州

梁湘東王繹使信州刺史鮑泉攻湘州

以梁紀  
通鑑修

梁鄱陽

王範歸合州於東魏以乞師

以通鑑修

八月辛卯東魏立子

長仁為太子

以魏紀修

盜殺東魏勃海王澄于鄴其弟太原

公洋以太尉高岳等守鄴遂如晉陽

以呂祖謙  
標目修

九月癸

丑侯景遣將陷梁吳興太守張嶷死之

以通鑑修

梁岳陽王

簪伐江陵以救湘州湘東王繹遣兵襲襄陽簪遁繹使

將軍王僧辯攻湘州

以梁紀修

冬十一月梁岳陽王簪附庸

於魏湘東王繹遣兵攻簪魏遣開府楊忠救之

以通鑑修

十

二月庚寅侯景陷梁會稽盡沒三吳之地

以呂祖謙  
標目修

梁

始興太守陳霸先起兵討侯景

以呂祖謙  
標目修

東魏降梁司

州盡有淮南之地

以呂祖謙  
標目修

梁太宗簡文皇帝蕭綱大寶元年

魏文帝大統十六年齊顯祖文宣皇帝高洋天保元年

春正月辛亥朔梁改元

以梁紀修

戊辰東魏高洋自為丞相

都督中外諸軍錄尚書事齊郡王

以魏紀修

庚午梁邵陵王

綸至郢州自稱都督中外軍事承制

以通鑑修

魏楊忠執梁

司州刺史柳仲禮盡有漢東之地

以本紀修

癸酉梁前江都

令祖皓襲取廣陵

以梁紀修

二月魏楊忠至石城梁湘東王

繹請盟而還

以通鑑修

解題曰此亡江陵之張本也

侯景遣其將任約于慶等攻梁諸藩

以呂祖謙標目修

侯景遣

將屠廣陵

以本紀修

三月東魏齊郡王洋自為王

以呂祖謙標目修

夏四月辛巳梁王僧辯克湘州殺河東王譽壬寅湘東

王繹始發喪

以呂祖謙標目修

五月東魏齊王洋入鄴甲寅自

為相國加九錫戊午即皇帝位改元始給百官祿己未

廢其主為中山王追尊父兄為皇帝王太后婁氏為皇

太后乙丑降魏封爵六月封功臣及弟十三人為王

以通

鑑及呂祖謙標目修

梁武陵王紀遣其世子圓照赴難湘東王繹

止之于白帝

以通鑑修

齊立李氏為皇后子殷為太子

以通鑑修

魏立岳陽王詵為梁王秋七月辛酉詵朝于魏

以列傳修戊

辰任約陷梁江州于慶陷梁豫章

以呂祖謙標目修

魏宇文泰

帥師討齊

以魏紀修

八月甲午梁湘東王繹遣將軍王僧辯

逼郢州

以梁紀修

齊定律立九等戶

以齊紀修

解題曰朱黼曰古有授田之制故天下有常業之民

其貧富高下未甚相遠也周官地有上中下三等之

辨而農亦有上中下三等之差阡陌既開取予無制

富者占田無藝以貲力而劫假貧者謀生無術以饑寒而流落高下屢絕制賦調役詎可復以三等分之高洋始立九等以別民戶富者稅其錢貧者役其力更隋唐莫之變也雖鎰分銖析不能皆一而類推彙比或可相附授田之制至天寶亡矣今之立法乃曰貲力五十萬以下謂之丙等一百萬以下謂之乙等是二等相去猶不甚遠今日田一百萬以上以至累數千巨萬皆謂之甲等無乃大相遼乎太史公曰凡

編戶之民富相埒則卑下之百則畏憚之千則役萬  
則僕今豪宗巨室所積不知幾百千萬也而使百萬  
者與之比肩受賦役是奴隸而抗封君也安得不摧  
折顛覆哉必欲均一賦役當以九等為正

九月辛酉梁邵陵王綸奔齊昌降於齊齊以為梁王

以呂

祖謙標  
目修

解題曰齊昌在蕪春縣北通典義陽郡鍾山縣齊置

齊昌郡

庚午齊主如晉陽

以齊紀修

解題曰李璋晉陽事跡齊太原郡屬并州移居汾水

東

任約據梁西陽武昌

以呂祖謙標目修

解題曰按杜佑通典黃州宋為西陽郡齊分置齊安

郡齊州郡志西陽郡有西陽縣隋地理志黃州麻城

縣有西陽縣

乙亥侯景自為相國漢王加殊禮冬十月乙未景自加



宇宙大將軍都督六合軍事

以呂祖謙  
標目修

十一月魏師至

建州而還河南自洛陽河北自平陽已東入於齊

以呂祖謙

標目  
修

解題曰通典文宣之後守境而已大抵西則姚襄城

洪洞

今平陽郡  
縣北故城

晉州武平關

三關並絳州  
正平縣界

栢崖

河清  
縣西

侯景  
築

軹關

河南府  
濟源界

河陽南則虎牢洛陽北荊州孔城

防

伊闕縣  
故城

汝南郡

臨汝郡  
梁縣西

魯城

汝南郡魯  
山縣東北

置兵以防

周南境要害未遑制置也魏書地形志建州領高都

今澤州  
晉城縣

長平

今澤州  
晉城縣

安平

澤州  
氏縣

泰寧

澤州  
沁水縣

四郡

梁載言十道志澤州魏  
孝明置建州隋改澤州

胡寅曰宇文泰為高洋篡國

而興師則不患於無名矣乃逡巡而退何也無諸已  
而後可以非諸人泰弑君之人也參度彼此尚何高  
洋之問哉使泰無弑君之事當此機會舉師東伐則  
齊未可知也古之人所以大過人者無他焉不行不  
義不殺不辜不作苟免不事苟得而已事見通鑑

梁秦州刺史徐文盛大破任約于貝磯

以通鑑修

解題曰水經注江水東逕貝磯北在武昌崢嶸洲之

下

侯景殺梁南康王會理等

以通鑑修

十二月齊主還鄴

以通鑑修

解題曰齊以晉陽得國自是往來如別都然今後非有他役不書

魏作租庸調府兵

以李鄴侯家傳及呂祖謙標目修

解題曰按魏書列傳初魏孝莊帝拜爾朱榮柱國大將軍位丞相上榮敗後此官遂廢大統三年文帝復

以宇文泰為之其後功參佐命望實俱重者亦居此  
職宇文泰督中外軍廣陵王欣懿威從容禁闥而已  
此外趙郡公李弼隴西公李虎河內公獨孤信南陽  
公趙貴常山公于謹彭城公侯莫陳崇各督二大將  
軍分掌禁旅今之稱門閥者咸推八柱國家十二大  
將軍廣王贊淮王育齊王廓章武公宇文導平原公  
侯莫陳順高陽公達奚武陽平公李遠范陽公豆盧  
寧化政公宇文貴博陵公賀蘭祥陳雷公楊忠忠武

公王雄各統開府二人每一開府領一軍是為二十四軍北史列傳十二大將軍十五日上則門攔陛戟警晝巡夜十五日下則教旗習戰無他賦役每兵唯

辦弓刀一具月簡閱之甲槊戈弩並資官給

郭侯李泌家傳

唐德宗曰朕欲復府兵之制如何對曰初置府兵周文帝與蘇綽之謀也自三代之後無與為比雖戰國之教士武卒伎擊皆不及時魏之境自陝而右關中及隴右河西而已東魏河北河南殷實富強而自襄鄧蜀漢皆屬於梁初置府不滿百每府即將主之而分屬二十四軍每軍以開府一人將焉每二開府屬一大將軍二大將軍屬一柱國大將軍仍加號使持節大都督以統之共有衆不滿五萬而敗高歡平齊

減江陵破陳初置府兵皆於六戶上等已上家有三丁選材力一人免其身租庸調郡守農隙教閱兵仗衣馱牛驢及糗糧百蓄六家共備餘見唐貞觀十年府兵解題朱熹

曰魏代漢晉代魏皆仍舊物至六朝相代率皆祖述弊法不可變更元魏北齊後周中原生靈死於兵禍

幾盡故宇文泰蘓綽能立租庸調隋唐因之

薛季宣曰韋孝

寬所謂廣州義旅山南驍騎北山稽胡皆勁兵也克齊之後并相各置六府而東北別為七總管自此隸戶有還奴虜有免隱丁有誅府兵有復丁以十二取役以一月代糧畜以六家備民力日以裕矣

齊始行天保厯

以通鑑修

齊以相國府騎兵外兵曹為省掌

機密

以北齊  
列傳修

解題曰按北齊書列傳齊朝因高祖作丞相府外兵  
曹騎兵曹分掌兵馬及天保受禪諸司監咸歸尚書  
惟此二曹不廢令唐邕白建主治謂之外兵省其後  
邕建位望轉隆各為省主令中書舍人分判二省事

梁帝蕭棟大正元年  
魏文皇帝大統十七年齊文宣皇帝天保二年

春二月

乙亥魏拔汝南執邵陵王綸殺之

以魏  
紀修

解題曰按本紀綸走至安陸董城死隋地理志安陸

郡吉陽縣梁立汝南郡西魏改郡為董城吉陽屬德  
安應山縣董城屬德安孝感縣

三月庚戌魏主殂太子欽即皇帝位

以呂祖謙  
標目修

乙卯梁

徐文盛等克武昌

以通鑑修

己未齊以湘東王繹為梁相國

承制

以齊紀修

閏月侯景西上癸卯梁徐文盛擊破之夏四

月丙午景襲陷郢州文盛軍潰湘東王繹遣大都督王

僧辯軍于巴陵景攻之五月繹遣將軍胡僧祐救之六

月擒任約乙巳景遁

以梁紀修



解題曰按岳陽志江水西來會洞庭湖並流逕巴陵  
北過射獵磯與侯景港合中有平阜上為城門四達  
前為戍樓高出城上景之所築胡僧祐陸法和敗景  
巴陵景宵遁故曰侯景港事見通鑑

于慶攻梁鄱陽弗克退走

以呂祖謙  
標目修

梁王僧辯克郢州

秋八月壬寅朔克尋陽

以呂祖謙  
標目修

戊午侯景廢梁主為

晉安王殺皇太子諸王侯壬戌立豫章王棟為帝改元

大正冬十月壬寅侯景弑晉安王

以呂祖謙  
標目修

梁湘東王

繹割南鄭與魏刺史宜豐侯循拒守

以呂祖謙  
標目修

侯景將

劉神茂以東陽應湘東王繹

以通鑑修

十一月己卯侯景自

加九錫己丑稱帝改元太始廢梁主棟為淮陰王

以呂祖謙

標目修

解題曰宋庠紀年通譜太始本漢武帝張玄靚年號

十二月齊弒中山王

以呂祖謙  
標目修

梁世祖孝元皇帝蕭繹承聖元年  
魏主欽元年齊文宣皇帝天保三年

解題曰宋庠紀年通譜時魏復周制但稱元年

春正月魏取梁東梁州

以通鑑修

解題曰按寰宇記梁於魏興郡置北梁州尋改為南

梁州魏置東梁州西魏大統元年梁蘭欽取諸郡罷

梁州廢帝元年東梁州刺史李遷哲降魏魏又置東

梁州地形志東梁州領金城安康魏明

並屬金州

三郡

突厥土門大破柔然殺頭兵可汗自號伊利可汗

以呂祖謙

修標目二月梁江州刺史王僧辯擊侯景與東揚州刺史

陳霸先盟于白茅灣

以陳紀修

解題曰按晉宋書向韶魏詠之劉藩破桓石綏於白茅疑即此地今江州彭澤縣有白茅馬驛霸先自南康而出故僧辯會之於此也

侯景陷東陽

以通鑑修

三月丁丑梁王僧辯等大敗侯景兵

于姑熟丁亥僧辯及陳霸先大敗景于西州景走吳戊子僧辯遣將侯瑱追之己丑僧辯上表勸進於湘東王

繹且請還都不許

以列傳通鑑修

辛卯梁湘東王繹殺豫章王

棟

以皇極經世修

齊取梁廣陵

以通鑑修

夏四月梁王僧辯啓陳霸

先鎮京口

以呂祖謙  
標目修

解題曰王僧辯出霸先於京口亦猶劉毅不欲劉裕  
居中也劉裕入為揚州而劉毅危矣霸先襲石頭而  
僧辯死矣事見通鑑

乙巳梁武陵王紀稱帝改元天正

以呂祖謙  
標目修

解題曰宋庠紀年通譜天正之號暗與蕭棟合皆未  
幾而滅

侯景伏誅

以呂祖謙  
標目修

盜以傳國璽歸齊

以齊  
紀修

解題曰按唐六典徐令言玉璽記秦始皇取藍田之玉刻之其書李斯所製面文曰受命于天既壽永昌上隱起為盤龍文曰受天之命皇帝壽昌方四寸紐五龍盤傳漢至少帝失位掌璽者投於井中為孫堅所得袁術奪之術死荊州刺史上之傳魏至晉懷帝沒於劉聰後再閔以璽送建業侯景敗為將侯子監盜璽走江東棲霞寺僧得之陳永定三年僧普智奉獻傳於隋又晉陽秋晉孝武十九年雍州刺史郗恢

於慕容永處得璽送建業文字巧妙與傳國璽同但  
玉色不逮自晉至梁謂之鎮璽侯景敗兗州刺史郭  
元建以送於齊隋平江南得真傳國璽乃改前所得  
大者名神璽隋末沒於宇文化及竇建德平裴矩奉  
傳國璽神璽六璽以獻

五月甲申齊吏部尚書楊愔為右僕射

以齊紀修

梁開府王

僧辯為司徒陳霸先為開府

以齊紀修

侯景僕射王偉等伏

誅

以梁紀修

丙戌齊取梁歷陽

以呂祖謙標目修

齊圍梁秦郡陳霸

先大破之

以通鑑修

解題曰秦郡今真州六合縣

魏取梁漢中

以呂祖謙標目修

解題曰漢中之復且十七年而遽失之明年遂失蜀

矣事見通鑑

秋八月梁武陵王紀伐湘東王繹

以呂祖謙標目修

冬十月齊

築長城

以齊紀修

戊申梁湘東王繹執湘州刺史王琳其長

史陸納據州反

以呂祖謙標目修

十一月丙子梁湘東王繹即



皇帝位改元己卯立太子方矩為皇太子

以呂祖謙  
標目修

梁世祖孝元皇帝承聖二年  
魏主欽二年齊文宣皇帝天保四年

春正月梁遣王僧

辯討陸納陳霸先鎮揚州

以通鑑修

二月魏宇文泰去丞相

大行臺自為都督中外軍事

以周紀修

突厥伊利可汗死子

乙息記可汗立三月又死其弟木杆可汗立

以通鑑修

梁主

患武陵王紀求救於魏魏遣大將軍尉遲迥伐蜀

以呂祖謙

修  
標目

解題曰侯景之逼江陵也繹歸南鄭而求援於魏魏

既遣達奚武將兵而取漢中繹亦可以悟矣今武陵王之東下繹復貽魏書而使之甘心觀魏之諸將皆難其事則魏固未必遽有伐蜀之心也繹既招寇而蜀事去矣詩曰兄弟閱于牆外禦其侮繹胡不思之甚乎事見通鑑

夏五月甲子魏取梁潼州

以梁紀修

解題曰潼州今綿州

梁王僧辯大敗陸納

以梁紀修

已丑梁武陵王紀軍西陵梁

城破口以禦之

以梁紀通鑑修

六月梁赦王琳陸納降

以呂祖謙標目

修

秋七月梁武陵王紀敗死

以呂祖謙標目修

八月戊戌梁益

州降魏魏以尉遲迥為大都督益潼等州軍事

以呂祖謙標目

修

庚子梁下詔將還建康尋止九月庚午王僧辯還建

康陳霸先還京口

以呂祖謙標目修

解題曰胡寅曰荊州用武之國何不可都之有然於

蕭繹則不可也宗廟社稷皆在建康高祖憤崩簡文

弒殞所當營奉陵寢伸至痛之情冀除祲祧修乏享

之祀如不及也正使內無襄陽之難外無齊魏之虞  
江陵全盛猶不可宴安而處今孝誠不昭義聲不播  
第欲保其故有偷為尊顯率此為道雖使據百二之  
勢猶將為人圖取又何江陵建康之擇乎事見通鑑

契丹寇齊齊主北巡

以齊紀修

冬十月齊襲梁

以通鑑修

齊主大

破契丹遂如晉陽齊以肆州刺史斛律金為太師

以呂祖謙

標目修

十一月突厥攻柔然柔然主奔齊癸亥齊主擊突

厥遷柔然于馬邑

以呂祖謙標目修

十二月齊宿預降梁

以梁紀修

閏十二月丁丑梁南豫州刺史侯瑱大敗齊師于東關

以通鑑修

解題曰按劉義叟長厯梁閏十二月戊午朔丁丑二十日也當時南北置閏多有不同長厯氣朔置閏最為詳明司馬光雖載之通鑑目錄而本文不能按以為據蓋修通鑑時未見長厯後乃收拾之於目錄耳今據其顯然者畧銓次之

梁世祖孝元皇帝承聖三年  
魏恭皇帝拓拔廓元年齊文宣皇帝天保五年

春正月

癸巳齊主洋討山胡屠之自是始為威虐

以齊紀呂祖謙標目修

梁陳霸先圍齊廣陵

以梁紀修

魏宇文泰作九命九秩之典

改置州郡

以魏紀修

魏宇文泰廢其主欽立齊王廓為皇帝

去年號稱元年復姓拓拔氏

以呂祖謙標目修

解題曰按後周紀夏四月帝大饗羣臣魏史柳蚪執

簡於朝曰廢帝文皇帝之嗣子年七歲文皇帝託於

安定公曰是子才由于公不才亦由于公公既受茲

重寄遂納女為皇后不能訓誨乃成致令廢黜負文

皇帝付屬之意此咎非公而誰泰乃令太常盧辯作  
告諭公卿按柳蚪傳為丞相府記室上疏曰南史抗  
節表崔杼之罪董狐書法明趙盾之愆是知直筆於  
朝其來久矣而漢魏已還密為記注徒聞後世無益  
當時請皆當朝顯言其狀然後付之史閣事遂施行  
葉適曰高貴鄉公謂司馬昭之心路人所知泰舉動如  
此欲以誰欺王莽篡而大誥作泰用周禮亦然豈從  
周者固當爾耶

三月甲辰梁王僧辯為太尉

以梁紀修

夏四月柔然寇齊齊

主大破之

以呂祖謙標目修

癸酉梁陳霸先為司空

以梁紀修

魏弒

其故主欽

以通鑑修

五月魏取梁巴信二州

以通鑑修

梁以衡州

刺史王琳為廣州刺史

以呂祖謙標目修

六月齊冀州刺史段

韶定淮南陳霸先遁韶拔宿預

以呂祖謙標目修

秋七月齊主

還鄴

以通鑑修

八月齊殺太保錄尚書事高隆之及其諸子

以通鑑修

解題曰按齊書北史列傳文襄委任右僕射崔暹黃



門郎崔季舒等文襄崩隆之啓文宣欲害之不許文  
宣以隆之舊齒委以政事隆之子姪於楊遵彥前妻  
帝妹也故遵彥讒毀日至季舒譖隆之每見訴訟者  
輒加哀矜之意以示非已能裁文宣以其委過要名  
非大臣義餘見通鑑

九月辛卯梁主講老子於龍光殿

以梁紀修

冬十月魏遣柱

國于謹等伐梁十一月謹及梁王晷圍江陵城陷十二

月辛未殺梁主以江陵資晷取其襄陽

以呂祖謙標目修

解題曰按後周書列傳梁元帝嗣位於江陵外敦隣睦內懷異計荊州刺史長孫儉密陳攻取之謀於是徵儉入朝問其經畧對曰今江陵既在江北去我不遠湘東即位已涉三年觀其形勢不欲東下骨肉相殘民厭其毒荊州軍資器械儲積已久

此荊州言襄陽也

且

兼弱攻昧武之善經國家既有蜀土若更平江漢收其貢賦以供軍國天下不足定也太祖深然之乃令儉還州密為之備

梁王僧辯陳霸先奉江州刺史晉安王方智為太宰承

制

以呂祖謙  
標目修

是歲魏加益州刺史尉遲迥六州承制

以通

鑑修

解題曰葉適曰梁樹本根比宋齊為厚所以速亡者  
武帝納侯景一失也元帝能克景而不歸建康二失  
也王僧辯畏齊立貞陽侯陳霸先因之而起三失也  
或謂元帝猜嫌非繼世之君其理則然然使即歸舊  
都僧辯霸先當無異志而並獲其用北人不能徑渡

必不身遭屠戮僧辯之心固不在篡梁若不以立君  
為舉暴霸先雖姦凶無自而發梁祚尚可延也十年  
之間積三大失而國安有不亡者哉事見通鑑

梁敬皇帝蕭方智紹泰元年後梁中宗皇帝蕭詧大定元年  
魏恭皇帝二年齊文宣皇帝天保六年

春正月梁王簪即皇帝位改元是為後梁立子歸為皇

太子

以呂祖謙  
標目修

梁王琳救江陵不及遣兵伐後梁

以呂  
祖謙

標目  
修

齊取梁郢州

以呂祖謙  
標目修

辛丑齊遣兵納梁貞陽侯

淵明

以通鑑  
修

二月梁晉安王至建康即梁王位以王僧辯

為中書監錄尚書都督中外軍事加陳霸先征西大將

軍

以梁紀修

三月丙戌齊克梁東關王僧辯屯姑熟

以通鑑修

梁

蕭勃復據廣州

以呂祖謙標目修

夏五月丙午梁王僧辯立蕭

淵明為帝改元天成以梁王方智為太子

以呂祖謙標目修

解題曰胡寅曰齊之納蕭淵明亦猶魏之立梁王粲

也其視江南猶外府姑使為之主爾王僧辯執義不

堅之人也事湘東臨危而不救奉晉安有急而改圖

立身處國輕搖易變如此安得不為人所取耶事見

通鑑

六月庚戌齊築長城

以呂祖謙  
標目修

齊歸梁郢州

以呂祖謙  
標目修

秋七月齊主自將伐柔然大破之

以齊紀修

梁王琳屯長沙

以呂祖謙  
標目修

齊使道士為沙門

以呂祖謙  
標目修

九月甲辰梁陳

霸先襲殺王僧辯于石頭冬十月己酉陳霸先奉方智

即皇帝位改元稱藩于齊以蕭淵明為司徒

以梁紀  
通鑑修壬

子梁陳霸先自為尚書令都督中外軍事揚南徐二州

刺史

以梁紀修

戊午梁主立妃王氏為皇后

以通鑑修

梁震州刺

史杜龕攻將軍陳蒨於長城義興太守韋載應之辛未  
陳霸先討之丙子譙秦二州刺史徐嗣徽降齊與南豫  
州刺史任約襲據石頭十一月庚寅霸先還

以梁紀修

解題曰震州今湖州長城今湖州之長興州據梁史  
列傳徐嗣徽任約引齊兵據石頭帝問計於韋載載  
曰齊若分兵先據二吳之路畧定東境則時事去矣  
今可急於淮南即侯景故壘築城通東道轉輸別令  
輕兵絕其糧運使進無所虜退無所資則齊將之首

旬日可致餘見通鑑葉適曰當時為謀於急迫中反  
暇豫若此宜其不能立事也

齊殺太保清河王岳

以齊紀修

徐嗣徽往采石十二月丙辰

梁陳霸先破石頭柵齊軍至梁將軍侯安都破之徐嗣

徽等奔齊

以梁紀呂祖謙標目修

梁以晉安陳寶應為太守

以呂祖謙

標目修是歲魏降宗室諸王為公

以呂祖謙標目修

突厥滅柔

然

以呂祖謙標目修

梁敬皇帝太平元年後梁中宗皇帝太定二年  
魏恭皇帝拓拔廓三年齊文宣皇帝天保七年  
春正月



丁丑魏初行周禮建六官

以魏紀修

解題曰按後周紀魏列傳以宇文泰為太師大冢宰  
李弼為太傅大司徒趙貴為太保大宗伯獨孤信為  
大司馬于謹為大司寇侯莫陳崇為大司空初泰以  
漢魏官繁思革前弊大統中乃命蘇綽盧辯依周禮  
改創其事尋亦置六官然撰次未成衆務猶歸臺閣  
至是始畢乃行之宣帝嗣位事不師古官員班品隨  
情變革于時雖行周禮內外衆職又兼用秦漢等官

其紀傳內更有餘官而不載者史之闕文也蘇轍策  
問曰周官分建六職各帥其屬以治百事仰以奉天  
地鬼神外以御諸侯四夷下以治士農工商至於草  
木鳥獸無不咸在宇文氏雖參考其舊以命庶工而  
典籍亡逸不可究知其兵戎之官多設於六卿之外

梁陳舊斬杜龕二月斬東揚州刺史張彪江州刺史侯

瑱拒命

以呂祖謙  
標目修

癸亥齊徐嗣徽任約襲采石

以本  
紀修

三

月丙子梁罷東揚州

以梁  
紀修

壬午梁詔雜用古今錢

以梁  
紀修

戊戌齊遣儀同蕭軌等伐梁陳霸先遣兵破之于梁山  
齊師屯蕪湖夏五月癸未梁太傅蕭淵明卒六月乙卯  
霸先大敗齊師于幕府山獲蕭軌徐嗣徽等

以本紀  
通鑑修

解題曰葉適曰晉宋相承四方之兵累鬪都下率常  
不支徐嗣徽任約引齊師五月再至數十里內盡為  
敵場危亡在眼中矣陳霸先決死鬪再敗其衆遂以  
得國後世專倚一江敵一得渡則鳥獸散甚者或未  
渡已望風驚潰何脆怯之甚也事見通鑑梁山即東

西梁山幕府山在建康城北十里

梁王琳遣使如齊又如魏

以通鑑修

秋七月丙子梁陳霸先

自為中書監司徒揚州刺史

以梁通鑑修紀

梁侯瑱降丁亥以

為司空

以紀傳修

解題曰按陳書列傳瑱趨湓城投其將焦僧度勸瑱

以陳霸先有大量必能容已乃詣闕請罪霸先復其

爵位餘見通鑑

九月壬寅梁改元

以梁紀修

解題曰宋庠紀年通譜太平孫亮馮跋柔然豆崙年  
號

梁陳霸先自為丞相錄尚書事

以呂祖謙  
標目修

冬十月壬申

梁王琳取江夏

以呂祖謙  
標目修

乙亥魏安定文公宇文泰卒

丙子世子覺嗣為太師大冢宰鎮同州

以呂祖謙  
標目修

解題曰按後周書北史泰

本文作  
周文

寬仁罕猜忌元氏

戚屬並保全之內外任使布於列職孝閔明武亦遵

先志雖魏命已遷枝葉榮茂足逾於前代矣葉適曰

自元偉已下十四人皆有大位於周與高氏相絕矣

十一月梁徵王琳為司空辭不至

以通鑑修

壬子齊併省州

郡

以呂祖謙  
標目修

十二月魏宇文覺自為周公

以呂祖謙  
標目修

梁

臨川周迪據郡

以呂祖謙  
標目修

齊築長城

以朱熹  
網目修

大事記續編卷四十三